

სსიპ გამოცდების ეროვნული ცენტრი

გამარტივებული ელექტრონული ტენდერის საშუალებით საწვავის შესყიდვა

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 121 მუხლის, „სახელმწიფო შესყიდვის ელექტრონული საშუალებით განხორციელების შესახებ დროებითი წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2010 წლის 22 ოქტომბრის 9 ბრძანების საფუძველზე.

სატენდერო დოკუმენტაცია

1. ტექნიკური დავალება
2. პრეტენდენტის მიერ სისტემაში ასატვირთი დოკუმენტების ნუსხა.
3. საკვალიფიკაციო მოთხოვნები.
5. სახელმწიფო შესყიდვების შესახებ ხელშეკრულების პროექტი.
5. დანართი №1 რეკვიზიტები
6. დანართი №2 ფასების ცხრილი
7. დანართი №3 ხელშეკრულების შესრულების საგარანტიო უზრუნველყოფა (ფორმა)

ქ. თბილისი

2011 წელი

ტექნიკური დავალება

1. რაოდენობა: 30000 ლიტრი 98 ოქტანობის არაეთილირებული ბენზინი
20000 ლიტრი ევრო დიზელი PPM 10
2. მიმწოდებელმა საწვავის მიწოდება უნდა უზრუნველყოს პლასტიკური ბარათებით, მიმწოდებლის ავტოგასამართი სადგურების ქსელის მეშვეობით.
3. მიმწოდებელს თბილისის გარდა ავტოგასამართი სადგურების ქსელი უნდა ქონდეს რეგიონებში. შემდეგ ქალაქებში ავტოგასამართი სადგურების არსებობა აუცილებელია: ბათუმი, ფოთი, ოზურგეთი, ზუგდიდი, ქუთაისი, ახალციხე, გორი, რუსთავი, სიღნაღი, თელავი.
4. ხელშეკრულების გაფორმებიდან ორი სამუშაო დღის ვადაში მიმწოდებელმა თავის ვებ-გვერდზე უნდა გაუხსნას შემსყიდველს სპეციალური ანგარიში და 5 სამუშაო დღის განმავლობაში უნდა უზრუნველყოს შემსყიდველის მიერ მოთხოვნილი საწვავის სრული რაოდენობის ჩარიცხვა აღნიშნულ ანგარიშზე, შემსყიდველის შეხედულებისამებრ, მიმწოდებლის ვებ-გვერდის საშუალებით პლასტიკურ ბარათებზე საწვავის შემდგომი განაწილების მიზნით, შემსყიდველის საიდენტიფიკაციო სახელისა და პაროლის გამოყენებით.
5. მიმწოდებლის ვებ-გვერდის საშუალებით შემსყიდველს, მისი საიდენტიფიკაციო სახელისა და პაროლის გამოყენებით, უნდა შეეძლოს კონტროლი საწვავის ბრუნვაზე.
6. საწვავის ფასი უნდა შეიცავდეს ყველა თანამდევ ხარჯს, მათ შორის საწვავის შენახვის ხარჯს ავტოგასამართი სადგურებიდან მის გაცემამდე.
7. მიმწოდებელი უსასყიდლოდ გადასცემს შემსყიდველს პლასტიკურ ბარათებს.

პრეტენდენტის მიერ სისტემაში ატვირთული სატენდერო წინადადება უნდა შეიცავდეს შემდეგ ინფორმაციას:

1. პრეტენდენტის მიერ წარმოდგენილი ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

- პრეტენდენტის უფლებამოსილი პირის მიერ ხელმოწერილ ინფორმაციას სატენდერო წინადადების მოქმედების ვადის შესახებ. სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში;
- პრეტენდენტის უფლებამოსილი პირის მიერ ხელმოწერილ ინფორმაციას შესყიდვის ობიექტის მიწოდების ვადის შესახებ;
- პრეტენდენტის უფლებამოსილი პირის მიერ ხელმოწერილი შესყიდვის ობიექტის განფასებას დანართი N2-ში მოცემული ფორმით. განფასებაში მითითებული უნდა იყოს შესყიდვის ობიექტის დასახელება, რაოდენობა, ერთეულის და სართო ფასი. სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა, მათ შორის საწვავის შენახვის ხარჯს ავტოგასამართი სადგურებიდან მის გაცემამდე და კანონმდებლობით გათვალისწინებულ გადასახადებს, დღგ-ს ჩათვლით.
- პრეტენდენტის უფლებამოსილი პირის მიერ ხელმოწერილი ინფორმაცია ანაზღაურების პირობების შესახებ;
- პრეტენდენტის სრულ რეკვიზიტებს (დასახელება, იურიდიული და ფაქტიური მისამართი, ხელმძღვანელის სახელი და გვარი, საკონტაქტო პირის/ების სახელი, გვარი, ტელეფონის ნომერი, ელ. ფოსტის მისამართი, საბაკო რეკვიზიტები);
- პრეტენდენტის უფლებამოსილი პირის მიერ ხელმოწერილ დასტურს, იმის თაობაზე, რომ ტენდერში გამარჯვების შემთხვევაში, ხელშეკრულების გაფორმებამდე მის მიერ წარმოდგენილი იქნება ხელშეკრულების შესრულების უზრუნველყოფის საბანკო გარანტია, ხელშეკრულების ღირებულების 2%-ის ოდენობით და დანართ N3-ში მოცემული ფორმით.
- საწვავის ხარისხის დამადასტურებელი სერტიფიკატი.
- ავტოგასამართი სადგურების ნუსხა მისამართების მითითებით.

საკვალიფიკაციო მოთხოვნები

1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

იურიდიული პირისათვის:

- ამონაწერი სამეწარმეო რეესტრიდან
- ცნობა, რომ არ ხორციელდება მისი რეორგანიზაცია ან ლიკვიდაცია

ფიზიკური პირისათვის:

- ცნობა, რომ მას მოღიანად ან ნაწილობრივ არ აქვს შეზღუდული ქმედუნარიანობა (ჯანმრთელობის დაცვის სპეციალიზირებული დაწესებულებიდან);

როგორც ფიზიკური ასევე იურიდიული პირისათვის:

- ცნობას საგადასახადო ინსპექციიდან ბიუჯეტის წინაშე დაგალიანების არარსებობის შესახებ.
- ცნობა საჯარო-სამართლებრივი შეზღუდვის არარსებობის შესახებ;
- ცნობა, რომ მის მიმართ არ მიმდინარეობს გადახდისუნარიანობის საქმის წარმოება.

2. არარეზიდენტმა პირმა უნდა წარმოადგინოს შესაბამისი ქვეყნის უფლებამოსილი ორგანოს მიერ გაცემული საკვალიფიკაციო მონაცემების დამადასტურებელი დოკუმენტები, რომელსაც უნდა დაერთოს საქართველოს კანონმდებლობით დადგენილი წესით ქართულ ენაზე შესრულებული თარგმანი.

შენიშვნა: ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყების შემდეგ – ტენდერი გამოცხადებულია.

3. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

4. ხელშეკრულების შესრულების უზრუნველყოფის საბანკო გარანტია

- ტენდერში გამოყენებული იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით, რომელიც წარმოდგენილი უნდა იქნეს ხელშეკრულების გაფორმებამდე
- გარანტიის მოქმედების ვადა 2011 წლის 31 დეკემბრის ჩათვლით.

5. ანგარიშსწორების პირობები

- მიმწოდებელთან ანგარიშსწორება განხორციელდება ლარებში.
- შესყიდვის ობიექტის ღირებულების ანაზღაურება მოხდება უნაღლო ანგარიშსწორებით.
- ანგარიშსწორება შემსყიდველის მიერ მოხდება საწვავის სრული რაოდენობის სპეციალურ ანგარიშზე ჩარიცხვის შემდეგ, გაფორმებული შესაბამისი მიღება-ჩაბარების

აქტის და სპეციალური საგადასახადო ანგარიშ-ფაქტურის წარმოდგენის შემდეგ არაუგვიანეს 5 (ხუთი) სამუშაო დღისა.

6. მიწოდების პირობები

- ხელშეკრულების გაფორმებიდან ორი სამუშაო დღის ვადაში მიმწოდებელმა თავის ვებ-გვერდზე უნდა გაუხსნას შემსყიდველს სპეციალური ანგარიში და ხუთი სამუშაო დღის განმავლობაში უნდა უზრუნველყოს ხელშეკრულებით გათვალისწინებული საწვავის სრული რაოდენობის ჩარიცხვა აღნიშნულ ანგარიშზე.

7. აფიდავიტი

- შემსრულებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

დამატებითი ინფორმაცია შეგიძლიათ მიიღოთ შემდეგი საკონტაქტო პირისგან:
სატენდერო კომისიის აპარატის წევრი: გიორგი უშვერიძე, 899900262,
email:ushveridze@naec.ge

**სახელმწიფო შესყიდვების შესახებ ხელშეკრულების
პროექტი**

**ხელშეკრულება №
სახელმწიფო შესყიდვების შესახებ**

ქ.თბილისი

----- 2011 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ერთის მხრივ სსიპ გამოცდების ეროვნული ცენტრი (შემდგომში შემსყიდველი) მისი ღირექტორის მაია მიმინოშვილის სახით და მეორეს მხრივ, ----- (შემდგომში „მიმწოდებელი“) წარმოდგენილი მისი ღირექტორის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, №XXXXX გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში-„ხელშეკრულება“) – შემსყიდველსა და მიწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ –საერთო თანხა, რომელიც უნდა გადაიხადოს შემსყიდველმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“- კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მოწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – №XXXXX გამარტივებული ელექტრონული ტენდერის სატენდერო დოკუმენტაციის ტექნიკური დავალება, დაერთვება ხელშეკრულებას, როგორც მისი განუყოფელი ნაწილი.
- 1.7. „ტექნიკური დოკუმენტაცია“ – მიმწოდებლის მიერ №XXXXX გამარტივებული ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. 30000 ლიტრი 98 ოქტანობის არაეთილირებული ბენზინის და 20000 ლიტრი ევრო დიზელის PPM10-ის და თანმდევი მომსახურების შესყიდვა ამ ხელშეკრულების მე-8 მუხლის მიხედვით.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს XXXX ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორება

4.1. მიმწოდებელთან ანგარიშსწორება განხორციელდება ლარებში.

4.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

4.3. შემსყიდველი ხელშეკრულებით განსაზღვრული თანხის გადახდას განახორციელებს სახელმწიფო ბიუჯეტით (კოდი 32 04 01 სსიპ გამოცდების ეროვნული ცენტრის აპარატისთვის გათვალისწინებული ასიგნებები) გათვალისწინებული სახსრებიდან.

4.4. ანგარიშსწორება შემსყიდველის მიერ მოხდება საწვავის სრული რაოდენობის სპეციალურ ანგარიშზე ჩარიცხვის შემდეგ, გაფორმებული შესაბამისი მიღება-ჩაბარების აქტის და სპეციალური საგადასახადო ანგარიშ-ფაქტურის წარმოდგენის შემდეგ არაუგვიანეს 5 (ხუთი) სამუშაო დღისა.

5. სტანდარტები

5.1. ხელშეკრულების ფარგლებში მიწოდებული საქონელი უნდა შეესაბამებოდეს მიმწოდებლის მიერ წარმოდგენილ საქონლის ხარისხის დამადასტურებელ სერტიფიკატს.

6. ხელშეკრულების ინსპექტირების პირობები

6.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

6.2. ხელშეკრულების მოთხოვნებთან შესაბამისობის დადგენის მიზნით სათანადო კონტროლს და ზედამხედველობას, მიღება-ჩაბარების აქტების გაფორმებას შემსყიდველის მხრიდან განახორციელებს გამოცდების ეროვნული ცენტრის თანამშრომელი XXXXXX

6.3. შემოწმების შედეგად გამოვლენილი ნებისმიერი ნაკლის შესახებ შემსყიდველი წერილობით აცნობებს მიმწოდებელს წუნდების მიზეზების მითითებით.

6.4. გამოვლენილი ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

7. შესყიდვის ობიექტის მიწოდების პირობები

7.1. შესყიდვის ობიექტის მიწოდებას მიმწოდებელი უზრუნველყოფს პლასტიკური ბარათებით, მიმწოდებლის ავტოგასამართი სადგურების ქსელის მეშვეობით.

8. შესყიდვის ობიექტის მიღება-ჩაბარების წესი

8.1. პლასტიკური ბარათების სისტემით საწვავის მიწოდება განხორციელდება შემდეგი წესით: ხელშეკრულების გაფორმებიდან მიმწოდებელი თავის ვებ-გვერდზე ორი სამუშაო დღის ვადაში გაუხსნის შემსყიდველს სპეციალურ ანგარიშს და ხუთი სამუშაო დღის ვადაში უზრუნველყოფს შემსყიდველის მიერ ხელშეკრულებით გათვალისწინებული

საწვავის სრული რაოდენობის და სახეობის საწვავის ჩარიცხვას აღნიშნულ ანგარიშზე, პლასტიკურ ბარათებზე საწვავის შემდგომი განაწილების მიზნით. სპეციალურ ანგარიშზე საწვავის ჩარიცხვის მომენტიდან, საწვავე წარმოდგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავის შეხედულებისამებრ, მოახდინოს აღნიშნული საწვავის გადანაწილება მის კუთვნილ ერთ ან რამოდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.

8.2. შემსყიდველის სპეციალურ ანგარიშზე შეკვეთილი საწვავის ჩარიცხვისას მიმწოდებელსა და შემსყიდველის უფლებამოსილ წარმომადგენელს შორის ფორმდება სათანადო მიღება-ჩაბარების აქტი, რომელშიც ფიქსირდება ანგარიშზე ჩარიცხული საწვავის სახეობა, რაოდენობა, ღირებულება და სხვა აუცილებელი ინფორმაცია.

8.3. მიმწოდებელი ვალდებულია შესაბამისი ინფორმაციის მქონე პლასტიკური ბარათის ავტოგასამართ სადგურზე წარმოდგენისთანავე გამართოს ავტომანქანა და/ან ჭურჭელი პლასტიკურ ბარათზე ჩატვირთული საქონლის სახეობითა და რაოდენობით. საწვავის გაცემა ხდება პლასტიკური ბარათის წარმომდგენ ნებისმიერ პირზე. შემსყიდველის მოთხოვნის საფუძველზე შესაძლებელია პლასტიკურ ბარათზე კონკრეტული ავტომანქანის სახელმწიფო ნომრის და სერიის გამოსახვა. ასეთი ბარათის ავტოგასამართ სადგურზე წარმოდგენისას, საწვავის ჩასხმა მოხდება მხოლოდ ბარათზე აღნიშნული სახელმწიფო ნომრის და სერიის მქონე ავტომანქანის ავზში, ხოლო ნებისმიერი სახის დამატებით ტევადობებში (ჭურჭელში) ან სხვა ავტომანქანის ავზში საწვავის ჩასხმა ასეთი ბარათის მეშვეობით არ განხორციელდება.

8.4. პლასტიკური ბარათი ადასტურებს მისი წარმომდგენლის უფლებას ავტოგასამართ სადგურზე მიიღოს ბარათზე ჩატვირთული შესაბამისი საწვავე. პლასტიკური ბარათის დაკარგვის ან/და დაზიანების შემთხვევაში შემსყიდველი ვალდებულია დაუყოვნებლივ აცნობოს ამის შესახებ მიმწოდებელს, რათა მოხდეს ამ ბარათის ბლოკირება.

8.5. პლასტიკური ბარათის ფიზიკური დაზიანების ან/და დაკარგვის შემთხვევაში შემსყიდველს უფლება აქვს ითხოვოს მასზე ბლოკირების შემდეგ არსებული ნაშთების გადატანა. მიმწოდებელი უსასყიდლოდ დაუმზადებს შემსყიდველს ახალ პლასტიკურ ბარათს.

8.6. შემსყიდველის მოთხოვნის შემთხვევაში, წინამდებარე ხელშეკრულების ფარგლებში მიმწოდებელი უსასყიდლოდ გადასცემს შემსყიდველს ახალ ----- ცალ პლასტიკურ ბარათს.

9. გარანტია

9.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

10. ხელშეკრულების მოქმედების ვადა

10.1. ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2011 წლის 31 დეკემბრის ჩათვლით. იმ შემთხვევაში თუ ამ ვადამდე არ განხორციელდება ხელშეკრულებით გათვალისწინებული თანმდევი მომსახურება მოცემული ხელშეკრულება გრძელდება ვალდებულების სრულად შესრულებამდე. ამ შემთხვევაში შემსყიდველი უფლებამოსილია მოითხოვოს ხელშეკრულების უზრუნველყოფის გარანტიის მოქმედების ვადის გაგრძელება.

11. მხარეთა უფლება-მოვალეობანი

11.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

11.2. შემსყიდველი ვალდებულია:

- ხელშეკრულებით გათვალისწინებული შესყიდვის ობიექტის მიწოდებისას საქმის კურსში ჩააყენოს მიმწოდებელი ყველა განსაკუთრებული გარემოების შესახებ;

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

11.3. შემსყიდველს უფლება აქვს:

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

11.4. მიმწოდებელი ვალდებულია:

- დაიცვას ხელშეკრულებით გათვალისწინებული ყველა პირობა.

11.5. მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

12. ხელშეკრულებაში ცვლილების შეტანა და ხელშეკრულების შეწყვეტა

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.5. მხარე ვალდებულია 12.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

12.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. პირგასამტეხლო ხელშეკრულების პირობების შეუსრულებლობისათვის

13.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ გადაგადაცილებულ დღეზე ხელშეკრულების ჯამური ღირებულების ღირებულების 0,1%-ის ოდენობით.

13.2. იმ შემთხვევაში, თუ დაკისრებული პირგასამტეხლოს ჯამური თანხა გადაატარებებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

13.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

14. ხელშეკრულების შესრულების უზრუნველყოფის გარანტია

14.1. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-ის ოდენობის შესაბამისი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის ან არასათანადო შესრულების გამო.

14.2. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

მუხლი 15. ფორს-მაჟორი

15.1. ფორს-მაჟორი ნიშნავს მხარეებისთვის გადაუღალახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

15.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

16. დავები და მათი გადაწყვეტის წესი

16.1 მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან და ერთი ეგზემპლარი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 18. მხარეთა იურიდიული მისამართები და რეკვიზიტები

შემსყიდველი

მიმწოდებელი

სსიპ გამოცდების ეროვნული ცენტრი

ქ.თბილისი, ივ. ჯავახიშვილის №60

ს.ს. „ბაზის ბანკი“

ა/ა 133560

ბ/კ 220101956

ს/კ 202198727